


是齋百一選方


九之十二



漢書門			
類	號	函	架
一	二	三	四
五	六	七	八
九	十	十一	十二
冊	架	函	號

內閣文庫			
漢	書	類	號
一	二	三	四
五	六	七	八
九	十	十一	十二
冊	架	函	號

內閣文庫			
番號	漢	12268	
冊數	5	(3)	
函號	305	42	





新刊續添是齋百一選方卷之九

第十二門

頭目

頭痛

目疾

爛眩風眼

頭風

酒瘡

粉刺

面藥

鼻內息肉

目睛傷

治頭痛無藥可療如神元

光明硫黃

硝石

各一兩同研極細

右水元指頭大空心膈茶嚼下一元如神陳州懷慶用

此藥元如梧桐子大每服十五元中暑者冰水服下咽

即洒然傷冷即以艾湯下

都梁元王定國因被風吹項背拘急頭目昏眩太陽并腦

俱痛自山陽挈舟至泗州求醫楊吉老既診脉即與藥一
 彈元便服王因款話經一時再作併進兩元病若失去王
 甚喜問為何藥答曰公知道得其中一味即傳此方王思
 索良久自川藟防風之類凡舉數種皆非但一味白芷耳
 王益神之此藥初無名王曰是藥處自都梁名人可名都
 梁元也大治諸風眩暈婦人產前產後乍傷風邪頭目昏
 重及血風頭痛服之令人目明凡沐浴後服一二粒甚佳
 暴寒乍暖神思不清傷寒頭目昏暈並宜服之

香白芷

大塊擇白色新潔者先以撻刷
刷去塵土用沸湯泡洗四五遍

右為細末煉蜜和元如彈子大每服一元多用荊苳點

臈茶細嚼下食後常服諸無所忌只乾嚼咽亦可

治偏正頭疼

雄黃

透明者
細研 華陰細辛 等分

右同為細末先口中含水或溫湯令滿口隨左右以藥

搐鼻

點頭散治偏正頭痛

川藟

二兩
生

香附子

去毛
兩炒
四

右為細末每服一錢好茶清調下常服可除根

治偏正頭痛夾腦風連眉項頸上徹顛頂疼痛不可忍者
神効麝香散

草烏頭

用大者炮裂去皮臍尖剉如麻豆大入鹽再炒焦黃

華陰細辛

去土葉各二兩

草茶

四兩微碾勿令細

右為細末每服一大錢茶清調下臨臥或食後服之

洗眼藥錢太師方

黃連

當歸

赤芍藥

等分洗淨

右搗羅為細末每用半錢沸湯化勻澄清洗溫熱隨意

用之甚妙

退翳散治目內翳障或瘡疹後餘毒不散孫盈仲云凡患瘡疹不可食鷄鴨子必生翳膜錢季華之女年數歲瘡疹後兩眼皆生翳只服此藥各退白膜三重瞳子方瞭然也

真蛤粉

別研細

穀精草

生今為細末各一兩

右二味同一處拌勻每服二錢用生猪肝一片三指大

批開搽藥在上捲定再用麻線扎之濃米泔一盃煮肝

熟為度取出放冷食後臨臥細嚼却用元煮肝米泔送

下忌一切毒物

治暴赤眼

黃連杏仁同研水調瀝汁調輕粉點之湯上頓熱或冷

洗皆可

芎菊散

薄荷

二兩

菊花

甘草

川芎

各一兩

防風七錢 白芷兩半

右為細末食後茶少許沸湯點服如傷風用酒調服其效尤速

治赤目後暴翳孫及仲方准西韓參議元脩親曾用一日退兩翳

又方 鴛不食草塞鼻中立瘥

獨生鼓槌頭草以綿裹塞鼻 攻毒散治風毒上攻兩眼暴赤腫隱澁難開初發便洗

乾薑不以多少洗淨

右一件吹咀每用二錢以薄綿緊裹沸湯泡乘熱洗之如冷再湯更洗一次

冀州郭家明上膏治遠年日近不覩光明內外障眼攀睛 瘀肉連臉赤爛隱澁難開怕日羞明推眇有淚視物茫茫 時見黑花或臉生風粟或翳膜侵睛時發痒疼並皆治療 此藥神妙無比不可盡述兼治口瘡塗之立愈吉寧曾合 甚奇

白沙蜜一介 黃丹四兩 硃砂別研 乳香別研
青鹽別研 輕粉別研 鵬砂別研 腦子別研各二錢
麝香別研半錢 金星石 銀星石 井泉石

雲母石各一兩 黃連去鬚 烏賊魚骨各半兩

右件藥於淨室中不得令雞犬婦人見用銀石器內慢火先炒黃丹令紫色次下蜜候熬得沫散其色皆紫次入臘月雪水三升再熬二十餘沸將其餘藥碾成末一處同熬用筋滴在指甲上成珠不散為度以厚紙三張鋪在筭箕內傾藥在紙上瀝過再用瓶子盛放在新水內浸三晝夜去火毒其水日一易之看病眼輕重臨晚用筋蘸藥點大眦頭以眼澁為度若治內障眼用麪水和成條捏作圈子臨睡置眼上傾藥在內如此用之一月見効

咒偷針眼已結赤腫未成膿者神驗

取患人衣衫角以手緊捻定於所患眼大眦上搵之每一搵即念一聲云移甚底移極眼如此一氣念七遍搵七搵訖即隨聲就手撚令緊打一結結定自然便退直候眼安方解切在志誠不須令病人知咒語或欲自咒自移亦可

治眼疾五退散治內障得効

龍退蛇皮 蟬退 鳳凰退烏雞卵殼

佛退蠶紙 人退男子退髮

右等分不以多少一處同燒作灰研為細末每服一錢

用熟猪肝喫不拘時候日進二服

金水膏錢壽叔施此藥親見數人兩目厚翳皆磨去甚妙

乳香研 硃砂研 白礬飛過研各半字 當歸半錢

黃連一錢去鬚 白沙蜜四兩 青鹽透明者研一字 麝香研一字

右 upper 件藥除蜜外先研令極細却同蜜一處拌勻入新竹筒內用油紙數重以線緊扎勿令水入於淨鍋內用水煮自早至午水乾則添取出傾藥以綿絹濾去滓入淨器中埋地上壹宿取出點之點畢以溫水洗眼翳薄者點三五次即隨藥下點藥筋用金為之最妙多點則取效尤速亦見陸氏續方叙述頗詳

五生散治目赤去頭風退昏錢文子傳

天雄 附子尖各半兩 防風 天南星

川續斷並生用各一兩

右為飲子每服二錢重水一盞半生薑七片酒少許煎至六分食後溫服因頭風而病目者服之必効

如神餅子治目生翳膜

烏魚骨去皮細研 木賊去節為末 朱砂水飛各一錢

南鵬砂四皂子大細研

右四味同研三千遍湯溶臈少許以柳枝子攪四十九遍入腦子少許更多尤妙於五月五日合元作餅子如

此○大每用一餅子臨臥安於目背內來早以淨水於
盞內洗自見取下者病也臨臥再用一餅子可使三次
眼藥舊日京師 太廟相對鐵湯瓶家方

蕤仁細研竹紙裏壓去油 蕪苡仁新者細研竹紙裏壓去油二件各四十九粒

透明鵬砂如指大細研如磨翳多用之赤目少用 生龍腦如鵬砂大細研少着不妨

右四味同研勻將沙糖如指大先篩極細須夾絹篩過
與前藥再研極細銀篋合子收之以銅筋點凡眼中百
疾皆治之

傷寒後青盲日近者可治

仙靈脾一兩 淡豆豉四十粒

右二味水一椀半煎至一椀露冷令病人頓飲之即差

治赤眼後生翳膜

蘭香子洗淨眼乾每用一粒以筋點大背頭閉目即覺
藥在目內團圓旋轉藥力過即不轉須臾自隨眵淚出
惹翳膜在上如魚眼然再易一粒以病退為度廬州彭
知錄名大辯蕃陽人渠乃尊提舉頃在臨安暴得此疾
一醫僧以此藥治之坐間瞭然酬僧百千因遂傳得屢
以治人

唐丞相李恭公扈從在蜀中日患眼或澀或生翳膜或即
疼痛或見黑花如豆大累累數十不斷或見如飛蟲翅羽

百方治之不効僧知深云相公此病緣受風毒夫五臟實則瀉其子虛則補其母母能令子實子能令母虛腎是肝之母今腎受風毒故令肝虛肝虛則目中恍惚五藏亦然脚氣消中消渴諸風等皆由腎虛也地黄元悉主之

生乾地黄介一熟乾地黄介一石斛去苗

枳殼去穰炒

防風去蘆各四兩牛膝酒浸

杏仁去皮尖麩炒黃為末入瓦器中研去油

右為細末不許犯鐵器煉蜜元如桐子大空心以豆淋酒下五十元豆淋酒法黑豆半升淨揀簸炒令煙出以

酒三升浸之不用黑豆用此酒煮獨活即是紫湯也

洗風赤爛眩眼

五倍子槌碎去蛀末蔓荊子揀淨

右二味煎洗

治爛眩眼傳李萬其兄養正家婢曾用有効

右以覆盆子葉按熟將汁搵眼上今人謂之園鈎子或云用紗帛子覆眼上用藥搯之少頃紗帛上小蟲子無數

治風眩赤眼

防風許一寸銅青一塊黑豆大杏仁兩箇去尖不去皮

右各細切於盞中新汲水浸湯瓶上頓令極熱乘熱洗之如痛者加當歸數片尤妙

治爛眩風眼

田螺一箇以水養數日去盡泥沙候厝開以銅綠一豆許入在內即化成水以鷲毛蘸水刷眼眩上數次即愈不可以餘藥治它入眼即再發也

又方陳行之傳

用小兒吐下蛔蟲陰乾生用碾為末輕粉和勻如濕乾摻如乾以津唾調傳

治爛眩風眼兩背痒痛陸景淵之子曾苦此淚漬兩頰皆成瘡百藥不効因理故書得此方試點之須臾藥淚俱下循瘡中流出其間有小蟲自此遂愈甚妙

黃連

淡竹葉

各一兩

栢樹皮

乾用一兩半

濕用二兩

右三味咬咀以水二升煎至五合稍冷用滴目兩背及洗爛處日三四用

治洗頭風

新通草

於新瓦上燒存性

右為灰每服二錢熱酒調下牙關緊者斡開口灌

治大病後虛頭痛

四柱散將煎熟時入好臘茶一錢服之良甚

治頭風葉椿

白僵蠶

去絲

良薑

等分

右為細末每服半錢白梅茶清調下臨發時服

又方

川窮二錢

附子

一兩炮去皮臍

熟乾地黄

半兩須自聯酒九蒸九曝市

賣者以綠鑿搭色不中用或無即以好大川當歸半兩代之

右以咀每料分五服水一大盞生薑三片棗一枚同煎

至六分去滓入細磨木香水一蚘殼再煖令熱服張裁

夜得此方屢以醫人皆立効

治頭風

大川烏

天南星等分

右為細末每服半錢水一大盞白梅一箇生薑五片煎

至五分服久服可去根本

治偏正頭風墜痰涎散滯氣寬胸膈久服清頭目強腰膝

十味如神元

晉礬枯過

天門冬去心

五味子各半兩

半夏

四十九粒湯浸七次

南星

一箇大者薑汁浸炮

麥門冬

去心

遠志

去心各一兩

甘草

白朮

人參各一分

右為末生薑自然汁調飛羅麪煮糊元梧桐子大朱砂一分為衣每服十元至十五元食後臨臥生薑湯下峽州教授王執中字叔權永嘉人其母患頭風臥病餘半

長壽白一連方 卷九
年徧服頭風藥雖少愈而未能去體偶何用之來訪云
祖母嘗因驚避戎馬奔走得頭風疾數年有道大令服
此而驗因傳其方既服遂脫然王之母亦因風浪所驚
而得此疾故也或有因驚而患頭風者宜服此藥王有
鍼灸經刊行其自叙云爾

治面上肺風瘡

右用無灰酒於沙盆鉢內濃磨鹿角尖傅之兼服和劑
局方治腎臟風黃耆元即愈

治酒瘡鼻臨川曾景仁嘗苦此疾一日得此方於都下異
人不三次遂去根本趙太叔親服見効但藥差寒須量虛

實

凌霄花 山梔子

右等分爲細末每服二錢食後茶調下日進二服

又方

南番沒石子有竅者水研成膏手指醮塗甚効

治酒瘡鼻并鼻上贅肉及面上雀子班等疾

黃丹 文五 餅藥 五十五文省 硃砂 三十文
大罐子盛 研極細

用 巴豆 十箇去殼膜
紙裏壓去油

右件同入餅藥罐子中用慢火熬三兩沸取下續入研
細生礦灰三錢酒瘡鼻用鵝毛掃在紅處一日一次上

藥以追出毒物病退即止雀子斑用小竹棒兒挑藥點患處才覺微腫即便洗去不洗去恐力太猛趙君猷撫幹所傳云貳卿趙再可知湖州時與一詩僧相厚而僧患酒瘡鼻端生赤贅數枚大者如橘小者如梅李下垂過口飲食言語皆所妨廢良自厭惡之郡有一小兵事刀鐸人但聞其善取壓識不知其能治酒瘡也一旦自言於僧請醫此疾即以藥傳之凡半月餘每日取惡物如膿血自皮膚出者甚多其贅後悉成痂落去鼻面瑩然遂以十千為謝且語貳卿俾直齋閣而求得其方以傳秀却治人良驗

香油療頭風白屑頭痒髮落頭旋妨悶等方富次律云甚妙出四時纂要

蔓荊子三合

香附子

三十箇北地者佳

附子

零陵香

羊躑躅花

旱蓮子

各一兩

葶藶子

半以

上七味細剉綿裹故鐸鐵半斤碎用銚鐵亦可

右用生麻油一大升浸七日取以塗髮油乾旋添藥氣盡即易之

治肺風酒瘡等疾

硫黃生用

乳香

白礬生用

右同研細如粉每用手微抓動患處以此藥擦之雖未

能即去不過月十日必愈紹興蔡察推名與義傳之於一兵官親見其有效也

治面部生瘡或鼻臉赤風刺粉刺用盡藥不効者惟有此藥可治神妙不可言每以少許臨臥時洗面令淨如面油用之近眼處勿塗數日間瘡腫處自平赤亦消如風刺粉刺一夕見効閃提點方

生硫黃

香白芷

瓜蒌

臙粉

各半錢

芫青

七箇去翅足

全蝎

一箇

蟬退

五箇洗去泥

右為細末麻油黃蠟約度如合面油多少熬溶取下離火入諸藥在內每用少許塗面上

治酒瘡鼻面上肺風瘡朝天門裏金家綵帛鋪掌事人傳

每用白龍元洗面如用澡豆法更須略罨少時方以湯

洗去食後服龍虎丹一貼只作一服不半月盡退二藥

皆官局方其人舊赤瘡可畏今瑩然潔白矣

指爪破面

生薑自然汁調輕粉傅破處更無痕瑕

玉肌還少散

白芷

白歛

白附子

阿膠

炒

白殭蠶

白蒺藜

畧炒去刺

白膠香

熱銚內炒鎔如汁傾在水中冷出研

右件為末不以多少如豆痕加乳香常用一料加皂角

末一斤

玉盤散洗面藥

糯米

二升浸搗為粉熬令極乾若微濕則損香

黃明膠

一斤用牛皮膠半斤亦得炙令通起

搗篩餘者炒作珠子又搗取盡

皂角

二斤去皮秤

乾楮實

一斤

白及

白欵

白芷

白木

藁本

芎藭

細辛

甘松

零陵香

白檀香

各一斤

右件搗羅都勻相合成澡豆皂角末別入看澡豆緊慢

添減以洗面不熾為度藥末不可太細

乾洗頭藥

香白芷

零陵香

甘松

滑石

右並不見火等分為末摻髮上梳篦

治粉刺

以白礬末酒調塗之

又方

雄黃

硫黃

蛇床子

等分

右為細末臨睡洗面了用真酥調一字塗之

治艷鼻有息肉不聞香臭方出千金富次律曾患此息肉

已垂出鼻外用此藥傅之即化為黃水點滴至盡不三四

日遂愈後不復作

瓜丁

即瓜蒂也

細辛

右二味等分末之以綿裹如豆許塞鼻中須臾即通鼻中息肉俗謂之鼻痔千金治此疾方極多當時適以此取效耳

治目睛為物傷以牛尿日兩次點之避風雖黑睛破者亦可療韜光傳邵州刊行清源居士備急方同

治肺風面赤鼻赤華宮使傳

續添

草烏尖

七箇

大風油

五十文

真麝香

五十文

右以草烏尖為末入麝香研勻次同大風油磁合子盛於火上調勻先以生薑擦患處次用藥擦之日三兩次

無不効

又方兼服之即除根本

何首烏

一兩半

防風

黑豆

去皮

藁本

荆芥穗

地骨皮

淨洗各一兩

桑白皮

天仙藤

苦參

赤土

各半兩

右為細末煉蜜為元如梧桐子大每服三四十元食後茶清送下

新刊續添是齋百一選方卷之九

新刊續添是齋百一選方卷之十

第十三門

纏喉風 喉痺 骨鯁 誤吞椒錢 誤食桐油

千兩金元治纏喉風不問陽閉陰閉如急病內外腫塞輒至不救者用之能起死

蚶蚩草嫩者銅青二錢

猪牙皂角各半兩

右為細末以白梅肥潤者取肉爛研一處搗勻每兩作一十五元每用以新綿裹口中含化嚥津有頑涎吐出若病得兩日後難用

南星防風散治風壅頤頰腫内生結核纏喉風等

當歸二錢 焙乾

天麻三錢 生用

白殭蠶焙乾

南星

湯洗淨搗細薑汁製焙乾

防風

生用不見鐵器各半兩

猪牙皂角

去黑皮焙乾三條

右件為末每服二錢水一盞薑錢二片入荊芥少許同

煎至七分溫服食後日進三服忌發風毒物如腫不散

者加透明雄黃三錢同煎服一盞為末煎服滁州何村

丘永興傳親服有效

立聖膏治纏喉風

巴豆

齊州半夏

各三粒

右將半夏輕搗每粒分作四片巴豆剥去心膜於銀銅

石器內用米醋三盃文武火熬盡醋為度用清醋微洗

過研為膏子每患纏喉風或喉閉或癩疾用一幹耳以

生薑自然汁一茶脚化下患甚者灌藥少時自然吐出

惡涎如魚凍相似立愈極有神効

又方

用皂角刺不以多少刮皮浸生麻油以年深為佳遇患

以油滴在口中或吐或破即安

治纏喉風急喉痺立應元

白殭蠶

白礬

長齊一選方 卷十 二
右等分爲末蜜元含化

治咽痛至危困以手用力拔頂心髮立通無髮者撮頂心皮劉太夫得此法未試忽一卒苦咽痛不能言亟去其巾乃患酒禿卽以意令人用力撮頂心皮遂安李莫安撫方

針急喉閉纏喉風并灸法

隨腫痛一邊於大指外邊指甲下與根齊鍼之不問男左女右用人家常使鍼血出卽効如大段危急兩大指都針尤妙或只灸三里穴二七三七壯鄭惟康主簿嘗苦喉痺雖水亦不能下咽灸三里而愈

治咽喉腫痛

白殭蠶直者不拘多少炒爲末以生薑自然汁調服一錢匕吳內翰彥備急方云余嘗苦此用之甚効葛彥恢提舉閣中曾患喉痺五八主簿用此方治之卽安一方調下二錢未通半時許再服立通吐出頑涎別將大黃一塊慢火炮熟打撲盡灰如一米厚切片以兩指大一片口內含汁嚥之一食頃再換一片或患人語不得及自嚥不下卽扶起靠斜仰坐令人呷藥在口以筆管注入鼻中男左女右注藥訖隨卽扶令正坐須臾吐涎不卽扶起恐吐自鼻中出也吐了含嚥大黃如前

佛手散治纏喉風神効

盆硝一兩研

白殭蠶半兩去絲

青黛一錢研

甘草二錢半生

右為細末以少許摻喉中如閉甚以竹管吹入尋常咽喉間不快亦可用

治喉痺沈司理傳

白礬二兩搗碎

巴豆半兩畧槌破

右同於銚器內炒候礬枯去巴豆不用碾礬為細末遇病以水調灌或乾吹入嚥喉中

又方

朴硝細研

黃丹飛過細研

右相拌和深粉紅色遇病用蘆管或筆管以半錢許吹入喉中即破吐涎而愈甚者不過兩次

又方

蛇皮一條新瓦上炒焦黃帶黑色碾細入麝香少許乾

摻口內

治急喉閉開口不得者

右以黃蠟紙裹巴豆一箇如患人鼻孔大小中心切破急以塞鼻氣衝入喉中自破也已覺通利即除去濠守王亞夫方巴豆去殼拍碎以綿裹隨左右納鼻中即吐出惡物後鼻中或生少瘡亦無害元板鼻上有用字

治急喉痺范觀道方

大青魚膽新凡上焙乾去膜取末

蛇蛻皮去沙土盥內燒灰研令極細

白藥子新瓦上焙乾各一錢

白殭蠶直者去絲新瓦上焙乾

白礬鐵銹內飛過留性各一兩

右並為細末再以乳鉢和研令勻每用半錢吹入咽喉

立愈若病輕以多年白鹽梅肉細切入前項藥同搗勻

元如大雞頭大每服一元含化嚙津如白梅稍乾硬用

熟湯浸軟取肉細切用

又方

白殭蠶直者去絲紫焙

明白礬一半飛枯一半生用

右二味等分為末每服一錢取生薑自然汁濃調嚙下

小兒入新薄荷少許同薑汁研更加生蜜少許同調半

錢服藥後不可飲湯水解藥欲得藥方在鬲上少時也

治骨鯁

羊脛炭碾為細末米飲調下一方用黑灰皮

又方

取籬脚下入土朽竹去盡泥以手撚細蜜調元如龍眼

大以綿裹之含化其骨自消即去藥雖咽下些津不妨

又方

橄欖食之如無用核碾為末以急流水調服

又方厭勝法屢驗

以所食魚骨密置患人頂上勿令知良久即下它魚骨亦可

咒骨鯁屢驗

以淨哭盛新汲水一盞捧之面東默念云謹請太上東流順水急急如南方火帝律令勅一氣念七遍即吹一口氣入水中如此七吹以水飲患人立下有一族姓用此咒水可以食針并竹刺火元板作大

治骨鯁厭勝法

方鯁時以見所食筋急倒轉依舊如常食魚即鯁自下

勿令人知

治誤吞鐵石骨刺等不下危急者

王不留行

黃蘗去麤皮

右等分爲細末水浸蒸饒元如彈子大以麻線穿之掛當風處每用一元冷水化開灌下立効

治鯁

縮砂仁

甘草等分

右擣爲麤末如一切鯁以綿裹少許含之旋旋嚥津久之隨痰出

治骨鯁滁州蔣教授名南金頃歲因食鯉魚玉蟬業爲助

骨所鯁凡治鯁藥如象牙屑之屬用之皆不効或者令服此藥連進三劑至夜一咯而出戲云管仲之力也

貫眾不以多少煎濃汁一盞半分三服併進貫眾一名

管仲云

誤吞椒閉氣不通

喫京棗三箇解之

又方

草薺兩一

甘草炙微赤

狗脊各三分

右為細末食前以粥飲調下二錢一方不用甘草用貫眾半兩草薺狗脊各一兩

誤吞錢

生鳧苴取汁呷喫錢自然消化即葶藶也

治誤食桐油

食乾柿解之

第十四門

腋氣 膿耳 耳聾 聒耳 耳痛

治腋氣大妙盛覺民教授方

大田螺一枚水中養之俟開以剝了巴豆一箇先用杖子或針割着才開即放在內取出拭乾仰頓在盞內夏月一宿冬月五七宿即自然成水取出用搽永絕根本

又方

輕粉傳之雖不能去根本嘗用立効

又方

蜜陀僧

輕粉用多

染胭脂隨意

右為細末乾傳之

又方

用熱蒸餅一枚擘作兩片摻蜜陀僧細末一錢許急夾在腋下畧睡少時候冷弃之如一腋有病只用一半葉元方平生苦此疾來紹興偶得此方用一次遂絕根本治膿耳蔡邦度知府傳

香附子去毛為末乾摻或以綿纏杖兒摻之屢用皆効

治耳聾西外知宗趙士衍賓老傳

石菖蒲十兩一握九節者

蒼朮五兩事治淨

右二味剉成塊子置於銚內用米泔浸七日取出去蒼朮不用只將菖蒲於甑上蒸三兩時取出焙乾搗羅為細末每服二錢糯米飲調下日進三服或將蒸熟者作指面大塊子食後置口中時時嚼動嚙津亦可

治暴耳聾

黃蠟和茯苓嚼下

治聾耳方

麝香炒半

蟬殼半兩事治淨
火燒存性

右同研如塵用綿先展耳內膿令淨次入藥拄耳門不
得動追出惡物即愈

治聾耳 紅綿散

透明白礬火飛過用頭色坯子等分研細先用綿杖子
纏去耳中膿及黃水令盡別用綿杖子引藥或用鵝毛
管子輕吹入耳內入少麝香尤佳

又方小四姪

桑螵蛸一箇火上炙令焦黃色碾為細末入麝香輕粉
各少許先用綿展盡膿乾搽

治耳痛

杏仁炒焦黑研成膏以綿裹塞耳中吳內翰親用之効

治聾耳華宮使方續添

雞腸草搥汁滴耳中

第十五門

丹毒 癰疹 紫白癩風 候子 痲子 大風

專治大人小兒丹毒入腹即殺人

水苔生地黃生菘菜豆葉蒴藿浮萍護火草五葉藤芒
硝海藻菜苔臺大黃梔子黃芩但得一味研末水調傳
之

治赤遊腫若遍身入腹卽殺人白豆末水和塗若入腹及陰者以護火草取汁一盞服乾卽末之水調服出邵州備急方馬敏叔親曾爲其子用甚妙所用白豆者

治癰疹

白芷針刺燒存性爲末温酒調下二錢吳內翰淑人病此三十年服三服去根本矣

治風疹亦治風熱皮膚燥痒因而生瘡赤土不以多少研細每服二錢荆芥茶調下食後荆芥酒調亦得如氣實人用蜜水調尤妙

治紫白癩風

右用生硫黃末以生薑蘸擦之隨手去

又方

生硫黃爲末生薑自然汁數點調潤以生附子或生烏頭截作兩段蘸藥擦之浴時先以生布之類擦動使藥

又方

白礬 硫黃等分

右爲細末以糟茄蒂蘸藥擦患處須浴時使之

治白癩風不拘遠近用烏雞卵一枚取清先用硫黃碾爲末以雞子清調勻用生布一片將藥刷在布上日中曝及覆刷三四次釘布子在板上令不皺候乾收起遇浴

罷或動作勞苦汗出之時將布子於患處擦之即愈

治紫白癩風四神散

雄黃 雌黃 硫黃 白礬並透明者

右等分研為末每用時先浴令通身汗出次以生薑蘸藥擦患處良久以熱湯淋洗當日色淡五日除根

治白癩風

草烏兩半 巴豆一分並細切

右用米醋和濕以布裹浴罷擦之頻浴為佳

治候子趙大叔方

濃研好京墨以筆抹在候子上候乾更抹以多為妙數

次即失去

治候子陳郎中方

獨掃子本草名地膚子 白礬

二味等分為末煎湯洗不數次即盡去親曾用之果然

玉女英治夏月痲子痒痛

菜豆粉四兩微炒 滑石半兩研

右拌勻如粉綿撲子撲之

又方

新汲水擲青蒿汁調蛤粉傳之雪水尤妙

治痲子高司法方

用剪刀草汁調蛤粉傳之

剪刀草即
蕙荻葉也

治大風小四姪傳

烏梢蛇參條事治令淨蒸者熟去骨取肉焙乾為細末

用宿蒸饒為元如米粒大以喂烏雞食盡蛇三條然後

烹雞取肉為末或元或散酒服之元時仍用宿蒸饒每

服三五十元甚者不過三雞即愈

元者即藥之丸也丸
字犯 御諱以元字

代之

治大風疾神仙退風丹華宮使方續添

知母 貝母

烏梅肉

海桐皮

金毛狗脊去毛

右等分為細末煉蜜元如梧桐子大每日空腹日中臨

睡各服三十元又每夜第一次睡覺時急於頭邊取三

十元便服並用羊蹄根自然汁下大忌酒及房事一切

發風之物只喫淡粥一百日皮肉漸皆復舊半年後無

所忌服藥時須每夜專令一二謹信人就病人睡處坐

守才候第一次睡覺時便扶起喫藥一服妙處在此華

宮使親見林承務名去疾服之取効治大風無如此神

妙者若不能禁忌恐無益也

治紫白癩風

生砒霜

白礬

泥礬各一錢

是齋

卷一

十二

右為極細末重羅用生茄子蒂擦患處先浴後擦
治皮風紫白癩風

赤芍藥

當歸

苦參各半兩

赤土一兩

右為細末生豬脂二兩熬油去滓同蜜一兩作一處調
藥隔一宿每服一大匙熱酒調下空心食後各一服二
藥並忌雞鴨無鱗魚豆腐等刀鐮張仲友方
治大風漢陽水軍王統領方

苦參

地龍去土

右等分為細末看病淺深多少隨意服茶酒任下不拘
時候皮膚有破處用五靈脂細末以清麻油調塗之

新刊續添是齋百一選方卷之十

新刊續添是齋百一選方卷之十一

第十六門

瘧疾 瘴氣

治瘧疾

白附子

陳皮

去白

右等分為細末米飲調下二錢先喫少飲食了歇定服

微吐即止

治瘧碧霞丹朱子新方唐仲舉錢季毅皆曾合有功效

東方甲乙木巴豆

取肉去油別研細

南方丙丁火官桂

去麤皮碾細

中央戊巳土硫黃 去砂石研細

西方庚辛金白礬 別研細

北方壬癸水青黛 別研細已上各等分

右於五月一日修治了用紙各裹以盤盛依方位排定
勿令雞犬猫兒婦人見安頓在佛前至端午日午時用
五家粽犬和前藥令勻元如梧桐子大有患以新綿裹
男左女右塞於鼻竅中婦人有患男子相與安之壹元
可治七人於未發前一日安之約度尋常發過一時許
方可取出如再用時醋蘸過以綿裹之神效

治瘡大効詹武子

大棗 十枚 甘草 三寸 半夏 十枚湯洗七次 生薑 三塊連皮

烏梅 十箇搥碎 青橘皮 五枚湯浸過連白用 陳橘皮 四箇湯浸

連白 草果 五箇大者去皮 厚朴 三寸去麤皮

右九味為麤末以水三大盃煎一盃半去滓當發日五
更初服一盃五點又服一盃平明又服一盃比至飯前
要分服令盡再將滓以水盃半煎七分慢慢呷喫神妙
治瘡黑虎散十一兄傳云極有效

乾薑 良姜 片子薑黃 各一兩

巴豆 三十粒新者用二粒去殼

右將上三藥剉如巴豆大一處炒令焦黑色去巴豆不

用將餘藥為細末每服三錢於未發前一時辰熱酒調下臨發時再進一服即愈炒藥須是焦黑生即令人瀉治寒瘧

乾薑半生炒

高良姜半炒半生各貳兩

右為末每服一錢半以酒調之獾猪膽以針刺破滴入酒中七滴調勻溫服少頃以溫酒半盞投之於當發日早服吳內翰拜政和丁酉居全椒歲瘧大作施人所救愈者以百計張大亨左司病甚欲致仕服之立愈

瘧之為苦異於諸疾世人治之不過用常山砒霜之類發吐取涎而已雖安所損和氣多矣夔州譚達病瘧半年前

人方術用之畧盡皆不能効邂逅故人竇藏叟先生口授此方遂愈

辰砂

有墻壁光明者阿魏真者各一兩

右研勻和稀糊元如皂子大空心濃煎人參湯下一元

大安散治一切寒熱久而欲成勞瘵者杲都正方

烏梅

棗子

各七箇去核

草菓子

三箇去皮青皮

陳皮各一錢

大甘草

三寸

生薑

一兩

鱉甲

半兩醋炙

大川烏

二錢半去皮臍

半夏

一十四箇湯浸洗七次

右以咀作一服用皮紙裹之凡四重外再以濕紙裹用慢灰火煨聞藥香即取出用水二盃煎至一盃熱服如

病未久可去驚甲川烏二味

治瘡疾竇發判名思文云甚有驗積年者不過兩服新者一服愈之純舍姪方同

常山 不以多少雞骨者為細末

右用雞子清一箇入蜜一匙許於飯甑上蒸熟以搜和常山末元如桐子大每服十五元當發日空心冷酒吞下忌熱物一日不吐不瀉竇發常自服取効

治脾臟不和瀉痢瘡疾腹痛下部無力躄重足痿脚下痛飲食中滿四肢不舉等病陸景淵方曾以治瘡甚驗

橘皮 生 甘草 炙 厚朴 一兩去皮 薑炙

羌活 防風 肉豆蔻 白茯苓 各二錢半

川芎 兩半 吳茱萸 一錢

右以咀略搗碎每服二錢水一大盞煎至八分食前空心去滓服

治瘡祛邪丹 滁州趙學諭方

五月初四日揀黑豆冷水浸至端午早用好砒霜一兩一順手研極細入生黃丹二兩相和取黑豆去皮細研成膏子和藥元時便分大小元了用細朱砂為衣當發日五更初井花水送下一元忌熱物半日次忌魚菓油腥冷物等不禁冷水老弱孕婦不可服藥分拾數等元

大者如桐子止

衡州耒陽秦醫治遠近瘡疾如神葛丞相傳

常山

如雞骨者

青皮

去穢

烏梅

去核

檳榔

如雞心者

草菓

去皮

甘草

炙

右等分爲麤末每服二大錢用水酒各七分同煎至七分去滓當發日五更初温服了睡片時忌熱物半日寒多加酒退水熱多退酒加水須慢火煎令熟不吐不瀉甚有功效余於親戚間每用之一服即效甚妙廬陵袁司戶方無烏梅草菓不用酒煎却加神麩麥蘖白薑三味常山日乾不見火每藥一兩作一劑水三升砂瓶文

武火煎取一升當發日五更點心後早食後各一服紹興張醫名升之方不用烏梅檳榔二味熱多者加柴胡知母陳皮寒多者加良姜餘與秦醫方同却用薑棗烏梅煎

大効瘡丹

飛羅麪

淡豉

炒

雄黃

各半

黃丹

一兩炒變色

桃仁

一百個湯泡去皮尖

朱砂

一錢爲衣

右爲細末以獨頭蒜研如泥新布中擦過和元如雞頭肉大朱砂爲衣須五月五日午時面東北不語合藥忌雞犬婦人孝子僧道見每一粒温酒或井花水當發日

面東北吞下孕婦勿服此丹唐仲舉家舊施無不驗
廣東經撫司回易庫靈驗藥方大効人參散治山嵐瘴癘
不以久近或寒或熱或寒熱相兼或連日或間日或三四
日一發並皆治之

人參去蘆頭

常山剉

青蒿去根梗各等分

右為細末每服二錢半如明日當發今日午時用酒一
大盞調分作三服一更盡時一服三更一服五更一服

第十七門

脚氣 腰痛 脚汗 轉筋

治脚氣膝腫痛不可忍蘇干之運幹傳

不蛙皂角一條灰火中煨去皮核為細末入平胃散半
貼米醋調傅腫疼處立効如或甚者先以鐵秤銚煨紅
淬米醋中以熱氣薰痛處少定以草麻數粒研細貼脚
心下然後傅藥渠親用之及傳他人皆驗得之於蕪湖
轉般倉一納米人

淋脚膝六味湯陸仲虛府判傳

藁本

荊芥

蛇床子

川椒

山茱萸 吳茱萸

右等分同煮三五沸淋之勿濕脚指

治脚氣

五積散每服加檳榔一枚切碎依法同煎服藥了用被蓋覆令腿股間出少汗為佳

治脚膝緩弱甚者紹興府戒珠寺一僧病數年不能行服此藥而愈亨老亦傳此方名立效丹附子用麪裹煨熟去皮臍葱自然汁元梧桐子大每服五六十元空心煎葱酒下喫少温粥蒸饒壓之

附子 生去皮臍為末

右以葱白涎和元如梧桐子大懸焙乾每服十五元至二十元温酒鹽湯下

治脚氣

四味理中元去人參增紅麴每服二錢白湯點服蜜元亦得空心服神效

又方六兄單方 一在後

蒼耳葉九蒸九曝為細末酒打飛羅麪為糊元如梧桐子大每服五七十元至百元空心温酒下有一軍人苦脚氣服此不惟病去年踰九十行步如飛

治遠行脚腫痛方用之可行千里輕便甚妙小四姪傳

防風 細辛 草烏頭

右等分為細末摻在鞋底內如着草鞋即以水微濕過然後摻藥

是齊一選方
治久行脚心腫痛

以蚯蚓糞塗腫處高閣起脚一夕即愈

增愛元治男子婦人乾濕脚氣趙甥作院善燦傳於信州

一兵官

玄胡索

威靈仙

去節各半兩

破故紙

一兩半兩

生半兩炒熟

黑牽牛

一兩半兩生半兩炒熟

大蒜

一枚每用筋

鑽孔入去殼巴豆一粒再用紙裹數重水濕慢火煨香熟為度去紙并巴豆不用

宣州木瓜

一箇切下蓋了入艾葉填滿却蓋了以麻線繫定飯上蒸爛

右為末先將木瓜大蒜研爛後入藥末為元如梧桐子

大每服二十一元用撒子茶吞下空心服忌動氣毒物

養腎散出荆岑方

全蝎

兩半

天麻

三錢

蒼朮

去麤皮一兩

草烏頭

去皮臍二錢生用

黑附子

炮去皮臍二錢

右為細末拌勻腎氣豆淋酒調一大錢豆用黑大豆能

除去腰脚筋骨疼痛其効如神藥氣所至麻痺少時須

更疾隨藥氣頓愈如是骨髓中痛用胡桃酒下此藥傷

寒中風皆治本忠州太守陳逢原傳云渠前知坊州因

暑中取涼食瓜至秋忽然右腰腿間疼痛連及膝脛曲

折不能經月右脚艱於舉動凡治腰脚藥服之無効兒

子雲安刑曹似在商熙助教處得養腎散方服之才一

服移刻舉身麻痺不數刻間脚遂屈伸再一服即康寧
又坊州監酒年幾四十虛損兩脚不能行步試與此藥
初進二錢大腿麻未遂能起立再服二錢大小指胛皆
麻迤邐可行三服馳走如舊太室居士得此方乾道己
丑歲在都州都幕府日宋判院審言久病脚膝緩弱不
能行傳之數日來謝此疾經年無藥不服得方次日即
合二服見効五服良愈令有力能拜起矣後數日又云
因浴遍身去薄皮如糊肌骨遂瑩其効如神
治脚心痛姚克温閣中苦此數服而愈
乾木瓜 細末煎大聖散服之

治脚氣行在湯省幹方

以木瓜去穰實以十華散同蒸候熟一處研細如覺爛
即添十華散以元得為度如梧桐子大每服三十元温
酒鹽湯下

治脚氣金山長老於張顯學甘露寺齋會上說此方云渠
舊患脚氣曾於天台一僧處傳方用木瓜蒸艾服之漸安
後來住金山日日登涉脚復酸重又一堂眾處得此方合
服頗覺輕健勝前日云

破故紙 炒 舶上茴香 酒浸一宿炒 葫蘆巴 炒
牛膝 酒浸一宿 肉蓯蓉 酒浸一宿 川續斷 揀淨生用

杜仲削去粗皮生薑自然汁制一日一夜炒令絲斷黃色各四兩同為細末

右用艾四兩去枝梗秤以大木瓜四箇切作合子去盡穰以艾實之用麻線扎定蒸三次爛研和藥為元如梧桐子大每服五七十元溫酒鹽湯食後服

治脚氣

生附子一个去皮碾細乾柿十四枚去蒂不切以無灰酒三升於砂石或銀器內煮候酒乾取出研爛宿蒸饒和乾濕得所元如梧桐子大每服三十元空心鹽酒下一服臨睡又以冷水下三十元

治脚氣脚面腫痛

先以肉按上刮砭搽腫處然後以熱炒麩鼓傳之以帛子扎定經宿盡消

治脚氣流注四肢手指腫痛不可屈伸申屠府判

四物湯去地黄加附子入姜煎服如常法它至今遇疾作時服之必愈

治脚氣上攻流注四肢結成腫核不散赤熱熈痛及治一切腫毒

甘遂為細末以水調傳腫處

右濃煎甘草一味服之其腫即散二物本相反須兩人買各處安頓切不可相和清流片子韓詠苦此一服病

去七八再服而愈云得之一牛馬牙人醫者之意正取其相反故以甘遂傳其外而以甘草引之於內所以作効如磁石引針之義也

治脚氣痛不能行步

川烏頭

香白芷

細辛

防風

不見日曝乾

右各等分並生用為末每用一錢於鞋內鋪以脚踏之妙或用絹囊盛之此方得之於仙超然

又方

川烏炮略

草烏炒略

五靈脂去石

土茴香

各一兩略

炒

黑豆

四兩焙乾已上同為末分作二處

赤土

研細礬朱是也

百草霜 研細

右將前五味藥末一半以赤土細末三分之一同和令勻以米醋糊為元如梧桐子大又將藥末一半以百草霜末三分之一同和令勻亦以米醋糊為元如梧桐子大如脚氣以紅元者十五粒黑元者五粒併作一服用松節木瓜赤芍藥煎湯送下食前入少甘草同煎尤佳如風氣以黑元者十五粒紅元者五粒同作一服食後茶清下葛邦美傳名昌宗它與賣此藥人同邸見其修合默記之合服果得効

治濕脚氣腿腕生瘡葛楚賢作湖州簽判日苦此疾一年

半服此三藥不終劑而愈空心先服鹿茸元鹿茸五味子川當歸熟乾地黃四味等分爲細末酒糊元如桐子大每服三四十元溫酒或鹽湯下食前又服川芎當歸二味等分同煎以調荆芥細末一二錢食後再服煎四物湯調消風散二三錢只服此三藥後絕不發

治脚氣仙木木瓜元蘇甥瑩更傳與楊梅卿云親曾得効宣州大木瓜三個去皮切下蓋剝了子用青鹽六兩放在三個木瓜內於飯甑上蒸三四次研爛先以蒼朮二斤米泔水浸三日取出黑豆一升用長流河水高如藥面三寸同煮以乾爲度去黑豆不用將蒼朮切作片焙

乾再入白茯苓六兩同碾爲細末以研爛木瓜爲元如梧桐子大每服五十元空心溫酒鹽湯送下一月有効治腰痛單方

官桂 玄胡索 杜仲去皮炒 絲斷

右等分爲細末每服三錢空心熱酒調下又方 右用生橘核炒香研酒除去滓下青木香元

又方 威靈仙橘核等分爲細末熱酒調下一方以猪腰子煮食服藥了忌茶及威靈仙

又方葛丞相傳名舒筋散治血脉凝滯筋絡拘攣肢節疼痛行步艱難此藥活血化氣第一品藥也詳見中風卷中一方加橘皮

玄胡索

當歸

官桂

右等分為細末每服二錢温酒調下食前服

治腰痛陰然以熱物着痛處即少寬此由久處卑濕復為風邪所傷於足太陽之經與血氣相搏白朮散四方史載之指南方嚴州公庫有版

白朮

二兩

芍藥

三兩

官桂

兩

附子

半兩

右為細末每服二錢温酒調下

又方若連小腹疼痛俯仰愒愒短氣此由腎氣虛弱榮傷過度有所虧損杜仲散

杜仲

一兩去皮杵令爛以好酒浸一宿焙乾

肉桂

牡丹皮

各半兩

右為細末每服二錢温酒調下

又方鹿茸元治腎氣虛弱腰痛

鹿茸

三兩截作片子酥炙焦黃

右為細末酒糊元如梧桐子大每服三十元鹽湯下

又方苦腰間常冷仍重若腰五千錢如坐水中形狀如水不渴此由腎虛內有積水復為風冷所乘久而不已令人水病謂之腎着宜服腎着湯

茯苓 白朮各四兩 乾薑 甘草各二兩

右為麤末每服五錢水二盞煎至一盞去滓服

補髓丹升神水於百會降神火於湧泉還淳返朴體合自然骨正筋柔益壽延年

杜仲去粗皮炒黑色 補骨脂各十兩用芝麻五兩同炒候芝麻黑色無聲為度篩去芝麻

鹿茸二兩燎去毛酒炙 沒藥一兩別研

右將杜仲補骨脂鹿茸一處為細末入沒藥和勻再用胡桃肉三十箇湯浸去皮杵為膏入麪少許酒煮糊為

元如梧桐子大焙乾每服一百粒米飲下溫酒鹽湯亦得日二服食前浙東提刑陳才甫任郎官日嘗苦臂痛

醫者孫宮幹令服此藥非獨臂痛即安而平日腰痛之疾自此遂不復作孫醫即用拱辰丹

治腰痛葛丞相方極有效驗

兔絲子酒浸 杜仲去皮炒

右等分為細末以山藥糊元如梧桐子大每服五十元鹽酒或鹽湯下亦得

治腰痛聖惠方夷堅乙志七卷治時康祖心痔事

鹿茸去毛酥炙微黃 附子炮裂去皮臍

右件等分各二兩鹽花三分同搗羅為細末煮棗肉元如梧子大每服三十元空心溫酒食前下日再服

治趁閃着腰痛不得轉側方

以神麪一塊約如拳大燒令通赤好酒二大盞淬酒中
纔溫便飲令盡仰臥少頃取効

治脚汗鄭器先傳

楊花 着鞋中或如綿絮入在鞵內尤佳

脚轉筋

獨頭蒜 一箇口嚼一半於所患腿脚上猛擦一半用
水送下一時許即愈

養腎散治腰脚筋骨間疼痛不能步履其効如神華宮使

傳方 續添

蒼朮 去粗皮 乾蝎 洗去土 天麻 草烏頭 生去皮臍

黑附子 炮去皮臍 各二錢

右為細末和勻如腎氣用豆淋酒調服一大錢七藥氣
所至麻痺少時須更病隨藥氣頓愈如骨髓中痛用胡
桃酒下

新刊續添是齋百一選方卷之十一

新刊續添是齋百一選方卷之十二

第十八門

水氣 蠱脹

治水氣極有神効

右用着中冬瓜一枚去穰以肉桂十兩剉入冬瓜中蓋口濕紙裹數重掘地坑簇以炭火煨令存性為末每服二錢米飲調下日二服一料可絕根本

治浮腫俞子清少卿家傳方云得効甚多

白茯苓

紅棗核槌破取仁

右等分為細末米飲調下

治水氣王尚之提刑傳云武義縣方已治數人甚妙

黃頰魚 一个 菜豆 一合許

右煮淡羹頓食紹興張醫升之云以商陸根煮菜豆令熟去商陸取菜豆任意食之亦妙王氏博濟方第二卷逐氣散與此藥大同小異

治氣虛水腫浮脹滁州公使酒庫攢同陳通患此一病垂死醫者已不下藥偶一婦人傳此方云是道人所授服之病自小便而下幾數桶遂愈乙巳年事余時宰清流云大蒜一箇爛研以蛤粉和無分兩可元即止如梧桐子大每服十元白湯下若氣不升降即以大蒜一頭每瓣

切開逐瓣內入茴香七粒用濕紙裹煨香熟爛嚼白湯送下不以多少若臟腑不止即以丁香如茴香法煨服每瓣用三粒

治水腫

黑豆煮去皮乾為末米飲調下一二錢有小女子發腫臍凸服之立効出外臺

治一切浮腫水氣亦可治錢昭遠知縣傳

吳茱萸 枳實各半兩 赤茯苓 白朮各一兩

右以咀分三服每服用水三黑盞生薑秤一兩碎切同煎至一盞去滓作兩次服不拘時候一日之間服盡此一料忌鹹物累以此藥治人多愈不可以常藥輕易之

也

神仙萬金元方專能治十種水氣逐陰固陽扶危正命妙不可言凡足膝微腫上氣喘滿小便不利便是水氣證候速合此藥服之

蛇黃大而圓者三兩以新甘鍋子盛用炭火一秤煨通赤鉗鍋子出火急傾入礮米醋二升內候冷取出研至無聲止用針砂真者五兩賣者多雜以鐵屑宜精加揀擇水淘極淨控乾入生鐵銚子同禹餘糧三兩一處以米醋二升同煮醋乾為度并銚子炭火一秤煨通赤傾在淨塲上候冷一處研至無聲如粉細即止以上三物

為主其次量人虛實入下項藥治水氣多是冷藥轉下此方上三物既非甘遂葶藶芫花之比又有下項藥輔佐故老人虛人皆可服

羌活 川芎 牛膝酒浸一宿 木香炒黃

白茯苓 肉豆蔻炮 桂 杜茴香炒略

蓬莪木炮 乾薑炮 青橘皮去白炒 附子炮裂去皮臍

京三稜 當歸酒浸一宿炒 白茯苓以上各半兩更量虛實老壯斟酌入

前三物內虛人老人全用實壯人減半

右為細末拌極勻湯浸蒸饒握去水和藥再搗極勻元如桐子大空心食前溫酒或白湯下三五元忌鹽三箇

月圭撮不可入口水氣去後口淡且以醋少許調和飲
食初仙居湛道人傳此方云病者不能忌鹽勿服此藥
徒勞無切果欲救病死中求生即須依此忌鹽至誠服
藥只於小便內旋去並不動臟腑病已且服此藥每日
一二服兼以溫和調補脾元血氣藥將理此神方也
治水氣鄭簽判名本中云

宣州木瓜一个竹刀切下盖子去子并穰入吳茱萸在
內却將盖子用竹簽以定蒸熟各研細焙乾為末以紫
蘇熟水調下不拘時候積日水自消退

治水蠱腹脹

右取加禾散四柱散細末各等分合和令勻依法煎服
紹興術士朱蓑衣名甫苦此疾醫者令服加禾散久之
不效葛丞相授以此法即安

五皮散治脾受濕面目四肢虛腫通利小便

大腹皮

茯苓皮

陳橘皮

生姜皮

桑白皮

右等分為粗末每服三大錢水一盞半煎七分一日三
四服不拘時候立効常服忌油膩物切不可服瀉水藥
或云添五加皮亦得蓋欲腫從水道去故也陳世德云
太學同舍姚子大劉亨叔並患此病勢可畏服之而安

長壽門一選方 卷十一 四
治水氣神仙所授

右用冬瓜自然汁和大麥麪作飢飢食之

治水蠱

商陸根

赤者杵爛貼臍心以絹帛繫縛定病自小水而去商陸有二種白者不可用

治蠱脹十四弟婦曾服作効

枳殼四兩去穰切作兩指面大塊分四處一兩用蒼

木一兩同炒黃色去蒼木一兩用蘿蔔子一兩同炒

黃色去蘿蔔子一兩用乾漆一兩同炒黃色去乾漆

一兩用茴香一兩同炒黃色去茴香

右取枳殼為細末却用元炒藥蒼木等四味用水二椀

煎至一椀去滓煮麪糊為元如梧桐子大每服三十元至五十元食後米飲下

第十九門

消渴 酒疸

治消渴方

眉山揭頴臣長七尺健飲啖倜儻人也忽得消渴疾日飲水數斗食倍常而數溺消渴藥服之逾年疾日甚自度必死治棺衾囑其子於人蜀有良醫張肱隱之子不記其名為診脉笑曰君幾誤死取射香當門子以酒濡之作十許元用枳枸子作湯吞之遂愈問其所以張生

云消渴消中皆脾弱腎敗上不能節湯水腎液不上沂
乃成此疾今診頴臣脾脉極熱而腎不衰當由果實與
酒過度熱在脾所以飲食過人而多飲水飲水既多不
得不多溺非消渴也射香能敗瓜果花近輒不結枳枸
亦勝酒屋外有此木屋內釀酒不熟以木為屋屋下亦
不可釀故以此二物為藥以去生果酒之毒也枳音句
里切
矩音以其實如鳥乳所能來巢今俗訛謂之雞矩子亦謂
之癩漢指頭蓋取其似也食之如牛乳小兒喜食之本
草木部作枳椇音止矩
治消渴伏深鈇轄方沈德和尚書傳

蜜陀僧二兩別
研極細

川黃連一兩為
細末

右二味用蒸餅為元如梧桐子大每服五元煎蠶空茄
根湯下臨臥服次日加至十元以後每日加五元至三
十元止服藥之後以見水惡心為度即不須服不過五
六服必効若覺惡心但每日食乾物以壓之旬日後自
定竒甚竒甚蠶空是出蚕蛾了蠶殼

治消渴錢有文知府方

牛鼻木二个洗淨細剉男
患用雌女患用雄甘草

人參各半
兩

白梅十个大者

右用水四盃煎至二盃瀘去滓熱服為妙

治消渴郭都巡方

以湯銚內鹼不拘多少研如粉每服二錢沸湯或井花水調下不拘時候

又方

括蕒根

黃連

右等分為細末研麥門冬取自然汁和藥元如菜豆大每服十五元至二十元熟水下

治黃疸未退及小便出血方葛丞相傳與鄭亨老服之二疾皆愈

生薑煎蜜湯連飲數盃甚妙

治酒疽鄭器先云

田螺七箇水養去泥土槌碎取螺頭細剉以熱酒浸平服甚妙

又方

藟葉半兩 神曲半兩

右為細末每服二錢酒或米飲調下食前甚妙

第二十門

足瘡 臙瘡 嵌甲 手足皸裂

治足瘡

趙先生字子固母劉氏年幾八十左足面一瘡下連大

指上延外踝以至臙骨每歲輒數發發必兼旬累月昏暮痒甚爬搔移時出血如泉流呻吟痛楚殆不可忍夜分卽漸已明日復然每一更藥則瘡轉大而劇百試不驗如是二十餘年淳熙甲辰中冬之末先生爲太府丞一夕母病大作相對悲泣無計困極就睡夢四神僧默坐一室旁有長榻先生亦坐因而發嘆一僧問其故先生荅之以實僧云可服牛黃金虎丹又一僧云朱砂亦好旣覺頗驚異試取藥半粒強服之良久腹大痛舉家相尤且悔俄而下礪礪物如鐵石者數升是夕瘡但微痒不痛而無血數日成痂自此遂愈朱砂之說竟不復試

先生因圖僧像如所夢者而記其事金虎丹出和劑局方本治中風痰涎壅塞所用牛黃龍腦二粉金箔之類皆非老人所宜服今乃取竒効意此疾積熱腑臟而發於皮膚歲久根深未易洗滌故假涼劑以攻之不可以常瘡論也神僧之夢蓋孝所感云

專治脚疽并治久遠惡瘡它藥不効者張友聞縣尉字守約傳獮猪糞不以多少新瓦上焙乾入火中燒令通紅取出於瓶罐內窰成炭存性碾爲細末每抄五錢用細研了白龍骨末抄二錢半輕粉抄二錢半檳榔末抄一錢和令極勻先以口含壘水或溫鹽湯洗令瘡淨見肉然後以真

麻油調藥隨瘡大小傳之未愈再傳不過三五日定安守約之叔仲濟知桂平縣日得之一獄囚

檳榔兩半 龍骨一分 水銀粉少許

乾猪糞半兩燒存性

右三味為細末入水銀粉研勻先以鹽湯洗瘡熟絹裹乾以生麻油調藥如膏貼瘡三日一易三五易定差忌食無鱗魚鮓熟麪丸脛內外瘡世謂之裏外臙瘡最難得藥此方極有效與張尉所傳分兩差不同此蘇沈良方治裏外臙瘡海上名方亦有之得方之說與張宰絕相似

貼臙上瘡史檢法仲華方

滑石未傳之

治脚上生瘡

訶子燒存性灰傳之

治足瘡此方胡上舍名耕傳其家屢得効

宣黃連碾細 蜜陀僧別研

右二味等分和勻每用時先以葱鹽煎湯洗瘡上然後傳藥若瘡乾時使少清麻油調塗之治臙瘡尤妙

又方

蜜陀僧 黃丹

右等分細研貼之

治腿膝生瘡有膿者朱子宣提幹傳

五倍子 細碾搽之

治延皮惡瘡錢季質司法案嘗苦賺上生瘡始者如粟漸如豆肥瘡不已即成大瘡累治不効後得此方用石榴皮煎取濃汁放冷以搽瘡上冷如冰雪即着痂而愈云是王宣子尚書方

治賺瘡

乾胭脂

輕粉 少許

右研令極細先以溫水洗瘡片帛裏乾傅之深者填令

滿以差為度

又方潘仲寶察院

血竭 一味研為細末搽在瘡上以乾為度

又方

地骨皮 去麤皮用竹刀刮粉焙乾為細末貼之

又方

隔年駐車元碾末傳極妙如無新者亦可

又方詹武子年三十歲時曾患此用之即安後屢有効

黃蘗

白及

白欬

黃丹

別研

右等分研為極細末入黃丹拌勻入輕粉多少隨意以

蜜和如藥劑微令稀薄捏成餅貼瘡上深者填滿以帛
片包扎一日一易後來瘡漸乾或有裂處只須乾搽以
差為度

又方錢文子云屢効

羊糞

不相粘者燒灰存性為末傳之入輕粉尤佳

又方取者酒銚頭泥田中黑土者為上山土不可用於火
中燒通紅放冷出火毒研令極細麻油調成膏子再用
包煮酒銚頭翦葉量瘡口大小壹樣剪兩片將一片於
翦葉背上攤藥子再將一片合之以翦葉光面安在瘡
上用帛子裏扎定不可令藥着好肉恐反侵損傳藥了

痛即止惡水流出三兩日一換不過一兩傳即生石榴
肉若能忌口愛護遂絕根本馮安時說陳仲山云不須
燒只乾碾細以瓶翦如上法用甚妙常以醫數人矣
又方陳仲山寺丞家有一老妪婆九十餘歲每以此藥治
人無不効者仲古說

左脚上舊草鞋各千里馬不得犯手以棒挑取於水內鞭
洗令淨曝乾燒黑灰碾細為末入輕粉少許先以鹽漿
水洗瘡凈乾然後傳乾者生油調濕者乾搽便成痂甚
妙郭醫名羽云端午日以左手提左脚舊草鞋燒用兼
治軟癩其子親曾得効

治嵌甲昇姪傳

雄黃生用

蛇退燒灰存性

右等分爲細末傳之

又方之文姪傳

更二方在卷末

雄黃

通明者

蟬退

參箇酥炙各爲細末

右衮和勻患濕者乾摻乾者用津入輕粉少許調塗

又方

白礬

飛過

蜜陀僧

右等分爲細末乾摻瘡上如摻不定以片帛裹之亦治

脚汗臭

又方宋參議家方

五倍子

燒存性黑灰

染胭脂

各等分

麝香少許

右同研令極細摻之五倍子生用亦得

治嵌甲陳寺丞仲山方

琥珀糖是砂糖熬成小毬兒者燒存性灰入麝香輕粉

麻油調傳指甲嵌入肉者不過一兩日自爛別生好者

不病處無所損神妙

又方

紫馬糞二塊各用青布一片包了於新瓦上炭火煨成

麩炭存性研為細末每半兩入沒藥十文輕粉十文麝香少許先以葱椒湯洗拭乾口含甘草漿水吐在瘡上再洗凈傳藥濕者乾摻乾者生油調塗初貼一夜極痛不過三上即去根本一親戚患此二十五年百藥不效一傳而安

不龜手方甚奇陸氏續方

瀝青兩二

黃鵠兩一

右共熬攪勻於不津器中貯患者先以熱酒洗令皮軟拭乾將藥於慢火上熬令略溶傳之軟帛蓋定一傳即差廉宣仲云加黃耆防風各一兩

治手足皸裂五倍子一味為細末先以淨紙揩乾麻油調

傳趙彥信方

治凍瘡用茄子根濃煎湯洗以雀兒腦髓塗之

治脚指縫爛瘡搗時取鵝掌皮燒灰存性為末傳之

冬月手足拆裂

麻油半兩黑盞內慢火煎沸入蠟一塊同煎候溶即入光粉少許與油膩一處熬令稀稠得所以紫色為度比之面油更放稠些子先以熱湯洗脚火上烘炙令乾即用藥實抵之却於火上略炙動以薄紙揉軟貼之其痛立止入水亦不落若合藥入粉多則硬而成塊旋以火

灸動挑傳亦不妨

治手足皸裂以頭垢傳之即不痛久之自合取其膩也填

姪云

治臙瘡了受給名朝佐字懷忠傳

冬瓜葉焙乾碾為細末摻傳或只用青葉包裹瘡上亦

得雖痛不妨甚者亦不過三兩次

又方華宮使

六一泥是韭地中蚯蚓糞新瓦上火煨通赤地上出火

毒

右為細末入輕粉少許先以溫蠶洗淨搵乾清油調塗

之

治嵌甲同

草烏頭

兩半

白牽牛

兩一

五倍子

四兩

全者龍骨

一分

右將內三物槌碎炒五倍子令焦黑色去三物不用只

取五倍子為末瘡乾用麻油調塗濕即乾貼

又方同

黃連

韶粉

黃蘗

軟石膏

煨

右等分同為細末用水洗瘡令淨軟帛子搵乾復以新

汲水調塗瘡上兩日一易妙甚

久米降金春上兩口一尺及好每公
次奉公同或時未用木水來公
黃豎 時發 黃藥 燒不實
又女同
建正部子高天香部用麻紙
或惟內二部部平少五部子合
草直度種 白濁中 五部子
宗辨甲同

新刊續添是齊百一選方卷之十二

